

毒蛇官反
 息歎反
 貪匱反
 勞賚郎代反
 訊音信
 呂支反
 痘也
 駢瘻駢反
 挑拂形反
 禱張蘇反

阿差末菩薩經卷第五

周五

西晉三藏竺法護譯

阿差末菩薩言唯舍利弗菩薩神通知他心念亦不可盡何謂知心達諸群黎過去所念當來所思現在所想又其菩薩知心如幻則隨時宜勸誨衆生說報應行禍福所趣某人

心和所報善德某人行中得中間報某人行劣得劣弱報某人志性心喜布施某人好持戒忍辱精進一心智慧某人志性愛樂慈心悲哀喜護某人志性慕學大乘某人志性好學聲聞緣覺之乘某人體性本植所種各異不同某人德本當以某藥而療治之用修薄

福故生賤處某行淨德心性不明某人心淨所行不清某人心淨所行了定如是比類悉知衆生古昔世時心所念異所修不同因某所行而爲說法是則名曰知他心念佛知當來衆人所懷某人當來因奉禁戒報應如是布施所報亦復如此忍辱精進一心智慧某亦若茲所行俗業得俗事報某人來世修學大乘所行法則威儀禮節報應如是衆生當來舉動進止威儀諸業心念各異後當報受所種果實悉曉了之某人志性行不純淑當隨顛倒衆患之難因其所知心行則解從其法器而爲演法所宣法者終不倒錯應病與藥若

演法時無所置思咸復達觀現在衆生心念是非審諦明了知於某人懷貪欲心某性瞋恚某挾癡冥知某無欲某無瞋恚愚癡之心因其塵勞心性馳逸悉解此等衆生所念緣其勞穢而爲說法各令解達所詣衆會察其

豫志不自決迷惑馳騁雖有進退懷抱沉疑
不明智慧惑心惡行行來所念不能卒解覺
了心性斷除塵勞又去塵礙離垢清淨光明
顯曜而無所受無所造立捨於瑕疵以法光
明照於一切衆生心行隨時入教而爲說法
悉令普達是爲菩薩知他心念無盡神通第

三之業阿差末言菩薩念往古知不可盡故
可憶念遇逮了本群黎之類皆悉荷蒙如來
聖旨堅住法界淑惟真宜而不可動性不卒
暴備悉禪定不懷怨望住如審諦知五十世
百世千世識不可計億載世事天地成敗合
散進退一劫十劫百劫千劫了無數億百千

周五

姓劫名字種姓言語飲食所更苦樂自知本
原見他衆際古昔從來別已積德衆人善个
身所立功勸助佛道昭衆生心使識善本勸
發道意前世宿命苦樂安危忽以悉過皆歸
無常苦空非身愚者迷惑以色自倚貢高勢
富橋恣眷屬荒亂自大恃怙貴位貪釋梵藏

慕四天王轉輪聖帝樂諸所趣終始五旋好
于愛欲尊高之處喜爲己身求想安隱緣是
欲得化於他人設慕出位當察非常苦空非
身暢過去劫所行本末其現在事無有處所
窟失身命不犯非義古昔所立功德之本咸
用勸助悉具大道現在善本執御衆生棄邪
行業不斷三寶佛法聖衆發一切智是爲菩
薩知往古世而自證明第四神通不可盡詔
何謂菩薩神足飛行神通以達不可盡者自
察己心而好精進攝受法典所修業行輒能
成就恒得由己常諦奉行於四神足現在目
前神通悉達無所復爲以無數品顯現神足
感變無量則以一身化無數身以無數身還
復一體飛行飄疾如一念頃不礙牆壁鐵圍
山川徑自通過如鳥遊空坐於虛空如處地
上覆水而行如在陸地出入無間如無門戶
以是神足觀察人根而開化之從其衆生因
可訓誨而顯神足爲現端正顏色無比或因

周五

三

毛孔而演大光或立威神隨其形類而開度之應病與藥各令得所或現聲聞緣覺形像色貌立之或現佛身而開化之或現釋梵色像形貌亦如四鎮轉輪聖王種種異形教誨群生或現畜生貌像異類從其衆人之所好喜各為說法因而將養勢力堅強多懷毒害瞋恚

盛者因其所宜而闡慈心或顯大力或四征力或半鈞鎗或具鈞鎗力其力無極勢不可限須彌山王甚大巍巍高三百三十六萬里廣長入海其數亦等以一指擎擎之挑擲他方佛國如投一葉其莊陸力終不損耗又此三千大千世界廣長無邊下盡地際極於上方三十二天舉著右掌於若干劫擊之不勞建神足力顯其聖慧以此威德聖慧所致恣意所欲能舉大海投之牛跡在於牛跡亦不逼迮亦不漏溢能變牛跡以成大海假使劫燒天地欲壞建立威神變為洪水道化聖旨成為水灾欲使為火輒如意念取要言之在

所顯示無一蔽礙令變為幻上中下法如意所欲無不成者無能動移妨廢之者釋梵魔天及與他方所作如法輒從經教捨諸佛道威神無盡其餘衆人天上世間無能作威移菩薩德以此威力為諸民庶顯若干變悅豫功勳頒宣經道有是神足其心堅強未曾退還度魔境界塵勞之穢入佛境界不煩惱人應其所乏各令得所往古宿世所造德本諸魔官屬不能毀之是為菩薩神足變化第五神通而不可盡阿差末復謂舍利弗言菩薩漏盡神通要者不住有為不住無為以大慈故不造生死以大悲故不住滅度欲成道德不著終始見解佛身不住滅度顧戀一切不迷塵欲化度十方不取滅度行施戒忍精進一心智慧隨時不惑流潤行權方便不慕無爲欲具本願志性清淨不違道慧方便開化住於生死五通恒明不樂無為六通平正不難五趣六度四等四恩四辯三十七品療生

死病成其佛土嚴淨三場不處有無生死無爲皆觀自然等如虛空無進無退是爲菩薩第六神通而不可盡

阿差末言唯舍利弗菩薩大士有四恩行而不可盡何謂爲四一曰布施二曰仁愛三曰利益四曰等與其布施者謂有二品一曰衣

食金銀珍寶車馬人從二曰法施廣布經典靡不周流其仁愛者亦有二品若有求者恣意與之欲聽經者爲講說法其利益者亦有二品自成己行具他人願其等與者亦有二品如自己身所念思惟建立功德來求衣食諸所可之悉施與之加復勸人令住道業又所謂施見乞求者踊躍與之面色不變益加懷愴怡彼仁愛者見來乞求愍如赤子彼利益者勸諸來求令住坦然平等之地彼等與者假使有人身行口言心念缺漏訓之令護三事相副令入大乘復次捨心貪嫉則曰布施精進不斷名曰仁愛有所利益志性清和後

不懷恨乃曰利益勸入大乘不墮小意是曰等與復次慈心順窮則曰布施興發歡悅懷眷戀心乃曰仁愛興大悲哀被誠德鎧爲群黎故而忍衆苦名曰仁愛其利益者養育護行令不損耗勸一切智是曰等與復次若求法者亦能惠與無所惜則曰布施其仁愛

周五

五

三

者有所施與兼以法教使得坦然其利益者亦爲己身復爲他人興隆道化其等與者爲一切故尋發道意諸通慧心復次內外所有皆能放捨不懷望想則曰布施稱譽一切功德之慧不違師友乃曰仁愛捨身之安所便身誼念憂他人名曰利益合集要行若住苦惱旣自勤修因至成道觀之如掌以惠他人不懷愴怡是曰等與何謂法施如己聞法爲他人說其仁愛者若有所演不貪衣食利養之業彼利益者若教他人諷誦經法隨時而授未曾勞倦何謂等與未曾違遠一切智心常隨法訓不以爲患何謂布施愛喜法者不乏衣食鉢

器履屣諸牀卧具病瘦醫藥所當得者他人所乏輒能與之觀其志性尋爲說法各使得其等與者能加施人淨三道場不望想報則用勸助無上正真最正覺心復次其法施者於諸施中最第一尊作是察已乃興法施其仁愛者斯心質朴顯愍哀義其利益者念導義理不取嚴飾其等與者頌宣佛法道慧具足後次其布施者具足備悉諸度無極其仁愛者成於戒禁忍度無極其利益者進度無極不墮顛倒退思補過其等與者廣大禪思智度無極後次其布施者則應初發菩薩心行其仁愛者奉修正行順菩薩本其利益者成不退轉菩薩法教其等與者則謂一生補處菩薩之基業也復次其布施者立道根本其仁愛者喻於備悉菜莖枝葉稍成道教其利益者喻於道法究竟華茂芬葩熾盛其等與者究竟果實道德之業是爲名菩薩四恩阿差末言唯舍利弗菩薩大士有四辯才

亦不可盡何謂爲四一曰義辯二曰法辯三曰應辯四曰辭辯何謂義辯曉於諸法眞諦之義明己所達識報應慧所知和雅不自修功入因緣慧不壞法界悉達本淨入於無本悉解本無了住本際求無有際曉解空義奉修無相在於無願曉無所求立無所行明諸行者入一慧門不計有人不見吾我無壽無命道智則一遊正真慧知於過去無央數劫曉於當來無邊際義識於現在一切衆行悉解五陰猶如幻化四種如廸諸入若空滅寂內行外無所遊解諸國土無有境界心意無形其所行至爲無所到觀其志性明識審諦苦無處所於諸所習而無所造其滅盡者自然之明曉入聖路分別諸法句義所趣通入諸根暢達五力建立寂然明察所觀一切所有如幻芭蕉野馬形影夢中所見山中之響水中之月悉虛無實以若干相了爲一相知合會者必當別離今欣欣者後會憂感號聲

聞乘因音而解知緣覺乘從十二緣寂靜歸一暢大乘學積累無量一切德本乃成大道是謂義辯復次其義辯者唯歸仰義一切諸法皆趣於義亦無所歸所以者何一切諸法所歸趣者悉解空空是謂為義一切諸法悉無有相其解無相是謂為義一切諸法悉無

有願其無有願是謂為義一切諸法悉歸憺怕其憺怕者是謂為義一切諸法悉無有人無壽無命其無壽命是謂為義若曉諸法分別如此是謂義辯其講說法無所住當言有處所彼土所講則不可盡所演辯才無能障
七 署諸佛世尊之所言教悉遙勸助所宣聖慧

真諦無異無有罪疊是謂義辯何謂法辯善

了諸法隨時而入善惡禍福興德罪疊有漏無漏在世度世苦樂危害塵勞瞋恨各有品類入於生死若處泥洹分別法界方俗之業是謂法辯復次其法辯者曉諸貪欲心所慕戀其人好色知當何藥而療治之某姪洪盛

周五

或貪欲強或有少欲其可除欲其不可除或從住本欲應欲來或當來世習貪欲相或於現世習貪欲相或復有人內懷貪欲外無恩愛或復有人外抱貪欲內無恩愛或復有人內外有欲或復有人覩其顏色而發情欲聞聲不動或復有人聞其音聲而興貪欲不以色動或復有人因其聲像而興色欲或復因香諸味細滑由之諸法而起貪欲或復有人無色聲香味細滑之念是為貪欲衆生所行當作是入其貪欲門所習或欲二萬一千其瞋恚行亦一萬一千其愚癡行亦二萬一千其等分行亦二萬一千若能解了於此諸行八萬四千便能隨時而開化之無有損耗其不入慧誘進令前不失其節解知應器殊特下劣有所頒宣無所侵枉是謂法辯何謂應辯若能普入一切音辭諸天之聲世間人聲諸龍鬼神捷沓惄阿須倫迦留羅真陀羅摩休勒人與非人所有音聲悉能得聞五趣衆

生所說之響隨其音響而爲黎庶講說經法是謂應辯如是隨順而爲演法是則應辯晚了經典知其文了觀所入義如是品類解一種言十種百種了男女言大小嬰孩亦知過去當來現在文字所趣亦解一字又了二字之所入處亦知一字獨而無伴亦知二字而無有伴是謂應辯應於真諦言無缺漏了了分明而無誤失訥鈍之言義理備悉所在衆人皆悅其辭無怨望者頗宣深義文辭至質合義文飾自察其心從佛之教觀於衆生志性所趣而爲應義使心開解歡然踊躍各得其所是謂應辯何謂辭辯所說應時辭不亂

開五

八

S

錯言不中止無能制者所可說義無能障塞卒問尋對應機飄疾答不遲晚如所問報不失應節不違問者辯才無諍所說辯才應真諦法立忍辱力所宣深妙演若干義辯才次第不越來意布施持戒忍辱精進一心智慧分別一切章句義理講說意止意斷神足根

周五

九

力覺意發心成道觀察寂然解暢一切禪思脫門三昧正受入于聖慧剖判三乘悅可一切衆生所念言辭和雅語無瑕穢亦無麗言不合義者口不卒暴舌不迷荒惡言之教所語柔軟清淨無病言語徐詳無不實辭隨時事義所傳輒正不卒不暴方便隨意無有異

辭亦無細言竊微盜語所語列露無屏處言極高舉聲言辭安隱有所說者無能得短諸賢聖衆所共咨嗟所稱揚者通流他國其音微妙亦如梵聲聞者悉達口所言辭不違法教皆見一切衆生根本應是心念而爲說法其聞法者輒隨平等斷苦惱患是爲菩薩辭

辯無盡阿差末言唯舍利弗菩薩辯才復有四事而不可盡何謂爲四一曰取義不取識二曰歸慧不取所識三曰歸於要經而不迷惑四曰自歸於法而不取人何謂爲義何謂爲識入於世法是謂識著度世之法乃謂爲義所謂識者布施調意明智安詳所謂義者

化於調定寂寢憺怕歸于聖慧所謂識者咨嗟生死而不患厭所謂義者雖在生死不處顛倒悉能越度終始之患所謂識者咨嗟泥洹功德之勲所謂義者一切諸法本淨滅度不懷妄想所謂識者隨其本乘而為分別所謂義者入一法慧所謂識者一切所有皆能布施無所愛惜所謂義者淨三道場歸一大猷所謂識者護身口意普學禁戒嘆譽止足功德之行所謂義者護身口意解不可得悉無所作是謂禁戒能為清淨所謂識者見諸貢高自大驕慢放恣懷瞋含毒之士為演安詳忍辱之德所謂義者行能自致無所從生法忍所謂識者慇懃精進分別一切德本之義所謂義者無應不應無雙無隻所行精進而無所住所謂識者解脫禪思脫門安詳三昧正受所謂義者曉了滅盡定意正受所謂識者一切所聞輒能受持智慧造原所謂義者觀於智慧無有處所亦不可得所謂識者

頒宣於斯三十七品道義之訓所謂義者奉行遵修諸佛道法因諸報應致道果證所謂識者剖判苦諦及集盡道所謂義者至於寂滅證明憺怕所謂識者因其所生悉由無明至老病死所謂義者以滅無明及老病死亦無求陰所謂識者講說所觀寂然之本根原所歸所謂義者因其慧明而得解脫至微妙智所謂識者解姪怒癡分數適等本不可別所謂義者以得永消衆惡諸想不念懷恨所謂識者解脫一切諸陰蓋法里礙之難所謂義者遊無蔽礙解脫慧門所謂識者咨嗟三寶功德無量所謂義者以離於貪不與欲合法忍所謂識者慇懃精進分別一切德本之義所謂義者無應不應無雙無隻所行精進歎開士一切禁戒名稱之美所謂義者一心念頃皆能曉了尋得成就一切敏慧取要言之悉能講宣八萬四千諸品法藏是謂為識於諸文字諸所識著解無所得義無處所是謂為義何謂為慧何謂為識住於識者則有

周五
十

四事一曰識在於色心處其中二曰而懷妄想處在縛著三曰遊於生死識在周旋四曰迷惑識著不能自拔是謂爲四何謂爲慧其識不處住五陰地斷諸陰蓋色痛想行識是謂爲慧復次所謂識者曉了四大地水火風假使識行不住四種識不馳騁不壞法界是謂爲慧復次所云識者眼色耳聲鼻香舌味身觸心法所識之者是謂爲識設使消除外不遊逸慧之所導於一切法無所希望是謂爲慧有所倚著者則生識矣亦從想念希望多求而生識矣是謂爲識若無所受亦無希望心不懷念無所慕樂志不望報是謂爲慧有爲行法則住於識修無爲行識無所住奉無爲明乃謂爲慧若住起分名謂爲識不起不滅識無所住乃謂爲慧何謂爲取經義何謂爲取慇懃元元求諸經典是謂爲取若於經典致入道果是謂取義若於諸經成就衆行是謂爲取若能分別諸經本末是謂取義

若在諸經入造行業是謂爲取若於諸經滅盡罪福永除塵勞是謂取義若於諸經採取要慧而爲他人說塵勞業是謂爲取若於諸經了了分別清淨章句是謂取義若於諸經觀眾生死難愁感不樂是謂爲取其於諸經觀察生死及與滅度不以爲二是謂取義若於諸經但宣雜句嚴飾之教是謂爲取若於諸經愛樂深義鈎奧致遠坦然無爲是謂取義若於諸經意於識知心無所生是謂取義若於正經計吾我人及與壽命含血之類懷可不可造立希望所可說者悉無有主強立本

周五
十一

末君長之主是謂爲取其於諸經解空無相無願之法不起不生悉無所行不計吾我及與壽命講三脫門是謂取義何謂爲法何謂爲人若著人者何從修法是謂爲人若在於人見於諸法而住境界是謂取法復次所謂人者云諸凡夫凡庶性行乃謂爲人若

於凡夫奉真人義修於篤信執持經與合八
等人道迹人往來人不還人無著人緣覺人
菩薩人復有一人出現於世多所愍傷多所
安隱慈哀三界諸天世人及三惡趣莫不蒙
濟名曰如來如來正真普安一切顯示徑路
化於黎庶使入道義假使有人依倚著求則

無有護因欲開化此等迷惑故爲說是普歸
於法莫取於人計於法者無所造作無有因
緣無作不作住無所住亦無根本普行平等
等於正真亦等邪業以邪等正以正等邪邪
正無二無所希望悉無所行於一切法逮致
自無其相究竟猶如虛空是謂爲法所聞導
法亦不思念以爲恩德若入於此法門義者
觀一切法皆爲道法衆御諸法不以勞倦是
諸菩薩四歸之義而不可盡

十二末

周五

阿差末菩薩經卷第五

嬉喜胡帖反特怙二字音市鉤鑼下正挑擲

穠砂大藏經

阿差末菩薩經

乙

第二〇冊

熙怡上許之反下今之履屣下所芬葩
也葩花也蛇也懼怕上音淡下厄罪
豐下許近姪決上夷今反嬰孩上一盈反屏
處陵也